

جریدہ علیمیہ

مشیت جلیلہ، اسلامیہ نمک، جریدہ، رسمیه سید

غرہ شعبان سنہ ۱۳۳۲

عدو : ۶

آبدہ بر نشر اولنور

برنجی سنہ

ارزنجان قاضیسی بلال افندی عزل ویرینه غلطه قاضی مشاوری محمد طاهر و آنک
یرینه مخلفات عمومیہ قساملتی ترکہ مأمورلرندن وهی افندیلر تعیین اولمشدر .
بواراده سینه نك اجراسنه مقام مشیخت مأموردور . ۲۱ رجب سنه ۱۳۳۲

محمد رشاد

شیخ الاسلام

خیری

فتاویٰ شریفه

نقحه :

زیدك زوجہسی هند زیدك منزلندن زیدك اذنتسز بغیر حق خروج ایدوب برمدت
قرنداشی عمروك منزلنده ناشزه ساکنه اولسه هند اول مدتده نفقه یه مستحقه اولورمی .
الجواب : اولماز .

* *

زید صغیر موسرك نفقهسی باباسی عمرو اوزرینه لازمه اولیوب کندی مالندن لازمه
اولورمی . الجواب : اولور .

* *

تکلیف :

هند بالغه نفسنی شهود محضرلرنده زیده تزویج ایتدکدنصکره هند نادمه اولوب
عقد مزبوری فسخه قادره اولورمی . الجواب : اولماز .

* *

زید بربلده اهالیسندن هندی اول بلدهده تزویج ایتدکدنصکره زید هندی رضا
سنسز مدت سفر بعید اولان بلده اخیایه کوتورمکه قادراولورمی . الجواب : اولماز .

* *

زید مزنیهسی هندك قزی زینبی تزویج ایتك جائز اولورمی . الجواب : اولماز .

* *

زید زوجہ سی ہندک لام قز قزنداشی قزی زینی تروج ایدوب ہند ایلہ جمع ایتک جائز اولورمی. الجواب : اولماز .

*
**

زید عمروہ «صغیرہ قیزم ہندی اوغلك بکر صغیرہ نکاحلہ ویردم» دیوب عمرودخی «بکر ایچون آلام قبول ایلدم» دیوب لکن اول مجلسدہ عمروک کیر اوغللری بشر وخالد اولوب غیری کسنہ اولماسہ نکاح منعقد اولوب ہند بکرک منکوحہ سی اولورمی. الجواب : اولور .

*
**

زید صغیرہ قیزی ہندی شہود محضر لرنده عمروہ ترویج ایتد کدنصکرہ زید نادم اولوب ہندی بکرہ دخی ترویج ایلسہ عقد ثانی صحیح اولورمی. الجواب : اولماز .

*
**

زیدک زوجہ سی ہنددن متولد اوغلی عمرو زیدک زوجہ اخراسی زینک زوج اخردن متولدہ قزی خدیجہ بی تروج ایتک جائز اولورمی. الجواب : اولور .

*
**

زید صغیرہ قزی ہندی شہود محضر لرنده عمروہ ترویج ایتد کدنصکرہ فوت اولوب بکر ہندی اوغلی بشرہ ترویج ایلسہ عقد ثانی صحیح اولورمی. الجواب : اولماز .

*
**

محمود الحال اولان زید صغیرہ قزی ہندی عمروہ ترویج ایلسہ ہند بالغہ اولدقدہ عقد مزبوری خیار بلوغلہ فسخہ قادری اولورمی. الجواب : اولماز .

*
**

زید سنأ کندودن اکبر اولان قزنداشی عمرو متوفانک زوجہ سی ہندی بعدا تقضاء العده تروج ایتک جائز اولورمی. الجواب : اولور .

*
**

ارث :

هند فوت اولوب قزی زینبی و لابوین قزقنداشی خدیجه بی ترک ایتدکده ترکه

هند مزبورده لره سویاً ویرلسه صحیح اولورمی . الجواب : اولور .

*

**

بو صورتده هندك قزقنداشی اولادی دخی هنده وارث اولورلری . الجواب : اولمازلر .

*

**

هند فوت اولوب قزی زینبی و لابوین ارقنداشی اوغللری زید و عمروی ترک

ایتدکده ترکه هند درت سهمدن اولوب ایکی سهمی زینبه برر سهمی زید و عمروه ویرلسه

صحیح اولورمی . الجواب : اولور .

*

**

بو صورتده هندك ارقنداشی قزی و قزقنداشی اولادی دخی هنده وارث

اولورلری . الجواب : اولمازلر .

*

**

هند فوت اولوب زوجی زیدی و اناسی زینبی و لابوین قزقنداشی خدیجه بی ترک

ایتدکده ترکه هند سکز سهمدن اولوب اوچر سهمی زید و خدیجه یه ایکی سهمی زینبه

ویرلسه صحیح اولورمی . الجواب : اولور .

*

**

زید فوت اولوب زوجیه سی هندی و اوغلی عمرو ایله قزی زینبی ترک ایتدکده

ترکه زید یکر می درت سهمدن اولوب اوچ سهمی هنده اون درت سهمی عمروه یدی

سهمی زینبه ویرلسه صحیح اولورمی . الجواب : اولور .

*

**

هند فوت اولوب انجق لابوین عمی اوغلی زیدی ترک ایتدکده زید ترکه هندی

احرازه قادر اولورلری . الجواب : اولور .

*

**

هند فوت اولوب انجق باباسنك لابوين عمی اوغلنك اوغلی زیدی ترك ایتدكده
زید تركه هندی احرازه قادراولورمی. الجواب : اولور .

*
**

بوصورتده هندك لابوين ارقرنداشی قزی دخی هنده وارته اولورمی. الجواب : اولماز .

*
**

هند فوت اولوب انجق لام قرنداشی قزی زینبی ترك ایتدكده زینب تركه هندی
احرازه قادره اولورمی. الجواب : اولور .

*
**

بوصورتده هندك لام قرنداشی قزینك اولادی دخی هنده وارث اولورلری . الجواب :
اولمازلر .

*
**

مدیوناً فوت اولان زیدك دیوتی ادا تركه سنی بین الورته قسمت اوزرینه مقدم اولورمی .
الجواب : اولور .

*
**

زید زوجه مذخول بهاسی هندی طلاق رجعی ایله تطایق ایدوب بعده هندك عدتی
ایچنده زید قوت اولسه هند زیده وارته اولورمی . الجواب : اولور .

*
**

زید هندی شو قدر اچمه مهر تسمیه سیله تزوج ایتدكده نصكره هند فوت اولوب زیدی
وسائر ورته سنی ترك ایلسه سائر ورته مهر منربوردن حصه لرینی زیددن المغه قادر اولورلری .
الجواب : اولورلر .

*
**

زید فوت اولوب زوجه سی هندی وقزی زینبی ترك ایدوب قبل القسمه هند دخی
فوت اولوب اناسی خدیجه بی وقزی زینبی و باباسی عمروی و قرنداشلرینی ترك ایدوب
قبل القسمه زینب دخی فوت اولوب انجق اناسنك اناسی خدیجه بی ترك ایتدكده تركه

زید قرق سکنز سهمدن اولوب قرق اتی سهمی خدیجه یه ایکی سهمی عمروه ویرلسه
صحیح اولورمی. الجواب : اولور .

*
**

بو صورتده زیدک لام وهندک لابوین قرنداشلیری زید وهنده وزینک اناسنک باباسی
ولام عم وعمه ولابوین خال وخاله لری دخی زینه وارث اولورلرمی. الجواب : اولمازلر .

*
**

زید فوت اولوب زوجه سی هندی واناسی زینی واوغلی عمری ترک ایتدکده ترکه
زید یکرمی درت سهمدن اولوب اوچ سهمی هنده درت سهمی زینه اون یدی سهمی
عمروه ویرلسه صحیح اولورمی . الجواب : اولور .

*
**

هیه :

زید ملک منزلی زوجه سی هنده هیه ایدر اولدقده « بن سندن اول فوت اولورسم
منزل سنک اولسون سن بندن اول فوت اولورسک منزل ینه بنم اولسون » دیوب بووجهله
هیه وتسلیم ایلسه هیه مزبوره صحیحه اولورمی. الجواب : اولمازلر .

*
**

وصیت :

زید ثلک مالنی عمروه وصیت ایدوب لکن عمرو زیددن مقدم فوت اولسه وصیت
مزبوره باطله اولورمی. الجواب : اولور .

*
**

زید جمله مالنی زوجه سی هنده وصیت ایتدکدنصکره زید فوت اولوب هندی وسائر
ورثه سی ترک ایلسه سائر ورثه وصیتی مجیز اولمانسه لر هند وصیت مرقومه یه بناء زیدک
ترکه سندن نسنه المغه قادره اولورمی. الجواب : اولمازلر .

*
**

زید شوقدراشیاسنی اوغلنک اوغلی عمروه وصیت ایتد کدنصکره عمروزیدک حیاتنده فوت اولسه وصیت مرقومه باطله اولورمی . الجواب : اولور .

*
**

زید قرنداشی اوغلی اولوب وارثی اولیان عمروه «فوتمدن صکره مالمدن شوقدر اچیه ویرلسون» دیو وصیت ایتد کدنصکره مصرأ فوت اولسه ثلث مساعدایکن ورثه سی وصیتی طوماتمه قادر اولورلرمی . الجواب : اولمازلر .

*
**

زید ثلث مالی اجانبیدن عمروه وصیت ایدوب بعده مصرأ فوت اولسه عمرو ترکه زیدک ثلثی آلمغه قادر اولورمی . الجواب : اولور .

*
**

شراء وصی :

هند وزینب صغیره لرك وصیلری زید ؛ صغیره لرك ملك باغلرینی ثمن مثلیله نفسیچون اشترا ایتك جائز اولورمی . الجواب : اولمازلر .

*
**

تعلیف :

زید متوفانك بعض ورثه سی زیدک زوجه سی هنده تعیین ماده ایتدین ترکه دن نسنه اخذ واخفا ایتادیکنه یمین ویردرمکه قادر اولورلرمی . الجواب : اولمازلر .

*
**

امر :

زید عمروك بشرط الرجوع امریله کندی مالندن قدر معروف شوقدر اچیه صرف ایدوب عمروك دکاننده عمرو ایچون بنا احداث ایلسه زید مصرفی عمرودن المغه قادر اولورمی . الجواب : اولور .

*
**

رضاع :

زیدک اناسی هند «زیدی زینب قزی خدیجه ایله مدت رضاعده ارضاع ایلدم» دیو

خبر ویرسه هند عدل وثقه اولیجق زید خدیجی تزوج ایتمک جائز اولورمی. الجواب:

اولماز.

*
**

طلاق:

زید اخردیاره کیتدکده زوجہ سی ہندہ معنوں و مرسوم مکتوب یازوب مکتوب بندہ «بندن بوش اول» دیو تحریر و مکتوبی ہندہ ارسال ایلسہ ہند بوش اولورمی. الجواب:

اولور.

*
**

زید «فلان فعلی ایشارسم عورتم اوچ طلاق بوش اولسون» دیدکدنصرکہ زید اول فعلی ایشلمدین زوجہ سی ہندی بر طلاق ایله تطلیق ایدوب عدتی منقضیہ اولدقنصرکہ زید اول فعلی ایشلیوب بعدہ ہندی تزوج ایلسہ زید اول فعلی ایشلیجک شرط مزبورہ بناءً ہند زیددن اوچ طلاق بوش اولورمی. الجواب: اولماز.

*
**

زید زوجہ مدخول بہاسی ہندی طلاق رجعی ایله تطلیق ایتدکدن صکرہ طلاق. اخیر اولمایحق زید ہندہ عدتی ایچندہ مراجعت ایدوب تجدید نکاح ایتمدین ہند ایله ازدواج معاملہ سنہ قادر اولورمی. الجواب: اولور.

*
**

ہند زوجی زید ایله مہری اوزرینہ خلع وزید قبول ایتدکدنصرکہ زید تجدید نکاح ایتمدین ہند ایله ازدواج معاملہ سنہ قادر اولورمی. الجواب: اولماز.

*
**

زید ہندی تزوج ایدوب خلوت صحیحہ بولندقنصرکہ زید ہندہ دخول ایتمدین «بوش اول» دیسنہ زید ہندہ عدتی ایچندہ مراجعتہ قادر اولورمی. الجواب: اولماز.

*
**

اراضی، فراغ:

زید اراضی امیریہ دن طاہو ایله تصرفندہ اولان تارلای اذن صاحب ارضہ عمروہ فراغ ایتدکدنصرکہ زید نادم اولوب اول تارلایہ مداخلہ قادر اولورمی. الجواب: اولماز.

*
**

فراغ :

زید اراضی^۱ امیریهدن طاپو ایله تصرفنده اولان تارلای اوغلی عمروه فراغ ایدوب
لکن اذن صاحب ارض بولماسه فراغ مزبور معتبر اولورمی. الجواب : اولماز .

*
**

بوصورته اذن صاحب ارض بولمدين زید فوت اولوب انجیق عمروی و دیگر اوغلی
بکری ترک ایتدکده بکر بر موجب امرسلطانی اول تارلانک نصفنک خرج انتقالی صاحب
ارضه ویروب اول ترلای عمرو ایله بلابدل برابر ضبط ایتمک ایستدکده عمرو فراغ
مزبوره بناء اول تارلا مستقلاً بنم اولمش اولور دیو بکری منعه قادر اولورمی. الجواب : اولماز .

*
**

زید عمرو ایله علی الاشترک طاپو ایله متصرف اولدینی تارلادن حصه سنی اذن صاحب
ارضه بکره فراغ ایتدکده عمروک حصه سنی دخی فضولاً بکره فراغ و تسلیم ایلسه عمرو
حصه سنده فراغی مجیز اولیوب اول تارلادن حصه سنی رأی صاحب ارضه بکردن آلوب
ضبطه قادر اولورمی. الجواب : اولور .

*
**

اراضی، انتقال :

زید بیک ایکویز سکسان درت سنه سی محرمک اون یدنجی کونی تاریخی فرمان
عالینک صدورندن مؤخر و بیک اوچیوز اوتوز بر سنه سی ربیع الاولنک یکرمی یدنجی
کونی تاریخی فرمان عالینک نشرندن مقدم اراضی^۱ امیریهدن بر تارلایه طاپو ایله متصرف
ایکن فوت اولوب اصحاب انتقالدن درجه ده مقدم انجیق اوغلی عمروی و قزلی هند
وزینی ترک ایتدکده مزبورلر بر موجب امرسلطانی اول تارلانک خرج انتقالی ویروب
بلابدل سوياً ضبط ایتمک ایستدکلرنده زیدک زوجه سی اول تارلاده مزبورلره مشارکته
قادره اولورمی. الجواب : اولماز .

*
**

زید بیک ایکویز سکسان درت سنه سی محرمک اون یدنجی کونی تاریخی فرمان
عالینک صدورندن مؤخر و بیک اوچیوز اوتوز بر سنه سی ربیع الاولنک یکرمی یدنجی
کونی تاریخی فرمان عالینک نشرندن مقدم اراضی^۱ امیریهدن بر تارلایه طاپو ایله متصرف

ایکن فوت اولوب اصحاب انتقالدن درجهده مقدم انجیق قزی هندی ترك ایتدکده هند بر موجب امر سلطانی اول تارلانك خرج انتقالی و یروب بلا بدل ضبط ایتمك ایستدکده زیدك باباسی و اناسی و زوجہسی اول تارلاده هندہ مشارکتہ قادر اولورلمی . الجواب :
اولمازلر .

*
**

انتقال :

زید اراضی امیرہدن برتارلایہ طاہو ایلہ متصرف ایکن فوت اولوب اصحاب انتقالدن انجیق اوغلی عمروی و قزلری هند و زینب و خدیجہ ورقہنی ترك ایتدکده مزبورلر بر موجب امر سلطانی اول تارلانك خرج انتقالی و یروب بلا بدل سـویاً ضبطہ قادر اولورلمی . الجواب : اولورلر .

*
**

زید بیک ایکویوز سکسان درت سنہسی محرمک اون یدنجی کونی تاریخی فرمان عالینک صدورندن مؤخر و بیک اوچیوز اوتوز بر سنہسی ربیع الاولنک یکرمی یدنجی کونی تاریخی فرمان عالینک نشرندن مقدم اراضی امیرہدن برتارلایہ طاہو ایلہ متصرف ایکن فوت اولوب اصحاب انتقالدن درجهده مقدم انجیق باباسی عمروی ترك ایتدکده عمرو بر موجب امر سلطانی اول تارلانك خرج انتقالی و یروب بلا بدل ضبط ایتمك ایستدکده زیدك قرنداشی اول تارلاده عمروہ مشارکتہ قادر اولورلمی . الجواب : اولمازلر .

*
**

هند بیک ایکویوز سکسان درت سنہسی محرمک اون یدنجی کونی تاریخی فرمان عالینک صدورندن مؤخر و بیک اوچیوز اوتوز بر سنہسی ربیع الاولنک یکرمی یدنجی کونی تاریخی فرمان عالینک نشرندن مقدم اراضی امیرہدن برتارلایہ طاہو ایلہ متصرفہ ایکن فوت اولوب اصحاب انتقالدن درجهده مقدم انجیق لابوین ار قرنداشی زیدی و زوجی عمروی ترك ایتدکده مزبورلر بر موجب امر سلطانی اول ترلانك خرج انتقالی و یروب ثلثہ ارباعنی زید و بر ربعی عمرو بلا بدل ضبط ایتمك ایستدکلرنده هندك لابوین قرنداشی اول ترلاده مزبورلرہ مشارکتہ قادره اولورلمی . الجواب : اولمازلر .

*
**

زید بیک ایکویوز سکسان درت سنهسی محرمک اون یدنجی کونی تاریخی فرمان
عالینک صدورندن مؤخر ویک اوچیوز اوتوز بر سنهسی ربیع الاولنک یکرمی یدنجی
کونی تاریخی فرمان عالینک نشرندن مقدم اراضی امیریهدن برتارلایه طاپوایله متصرف
ایکن فوت اولوب اصحاب انتقالدن درجدهه مقدم انجق لابوین ار قرنداشی عمروی
وزوجهسی هندی ترک ایتدکده مزبورلر بر موجب امر سلطانی اول ترلانک خرج
انتقالی ووروب ثلثه ارباعنی عمرو و بر ربعی هند ضبط ایتک استدکرنده زیدک لابوین
قز قرنداشی اول تارلاده مزبورلره مشارکته قادره اولورمی. الجواب : اولملار .

*
**

نظرت اجرت معجله ومؤجله ایله بر منزله متصرف ایکن بیک اوچیوز اوتوز بر
سنهسی ربیع الاولنک یکرمی یدنجی کونی تاریخی فرمان عالینک نشرندن مقدم فوت
اولوب زوجہسی اغیساتی و اولادینی ترک ایتدکده نظرتک اولادی اول منزلی انتقال
عادی یه بناءً ضبط ایتک استدکرنده نظرتک زوجہسی اغیسات مجرد «زوجہسی اولمامله
بکا دخی حصه انتقال ایدر» دیو اول منزله مداخله یه قادره اولورمی. الجواب : اولملار .

*
**

اجاره :

اجرت ایله خدمت ایدر مقوله سندن اولان زید اجرت قولنسز عمروک طلیله بر
مدت عمروه خدمت ایتدکدنصکره خدمتک اجر مثانی عمرودن المدین زید فوت اولسه
ورثہسی زیدک خدمتک اجر مثانی عمرودن المغه قادر اولورلرمی. الجواب : اولورلر .

*
**

استبدال وقف :

قیصریهده واقعه وقف عرصهینی متولیس زیداستانبولده واقعه عمروک ملک عرصه سیله
شرائط استبدال موجوده اولدینی حالده رأی حاکم وامر سلطانی ایله استبدال ایتک جائز
اولورمی. الجواب : اولور .

*
**

دعوی ، مرور زمان :

زید فوت اولوب اوغللری عمرو و بکر ایله قزی هندی ترک ایتدکده جمله ترکیبی

عمرو و بکر قبض. ایدوب هند حصه سنی آلیوب یکر می بش سنه مرور ایلسه حالا هند حصه سنی مزبورلردن طلب ایتدکده مزبورلر معترفلر ایکن مجرد یکر می بش سنه مرور ایتمکه حَق ساقط اولمش اولور دیوب ویرمامکه قادر اولورلرمی. الجواب : اولمازلر .

*
**

اون بش سنه بلا عذر ترك اولنان میراث دعواسی بلا امر مسموعه اولورمی. الجواب : اولمازلر .

*
**

معاملات جواریه :

زیدک قدیمدن بر نهر اوزرنده دائر دکرمنک اوستی یاننده عمرو دکرمن احداث ایتمکه صویه قلت کلوب زیدک دکرمنک دورانه خلل کلمکه زیده ضرر بینی اولسه زید عمروه ضررینی دفع ایتدرمکه قادر اولورمی. الجواب : اولور .

*
**

زیدک باغندن نبوع ایدوب قدیمدن اول باغه مالک اولانلر انتفاع ایده کلدکلی صویی عمرو بغیر حق مجرای قدیمدن اخراج وکندی باغه اجرا ایتمکه زیدی انتفاعدن منع ایلسه زید عمروی اجرادن منع ایدوب کالاول انتفاعه قادر اولورمی. الجواب : اولور .

*
**

زیدک عرصه سنده بنا و احداث ایتدیکی خانک پنجره لرندن قربنده منزلی اولان عمروک مقرنسوان اولان مواضعی کورینوب حواله سی اولسه عمرو زیده حواله سنی دفع ایتدرمکه قادر اولورمی. الجواب : اولور .

*
**

شرکت :

زید فوت اولوب اوغللری عمرو و بکری ترك ایتدکده عمرو قبل القسمه کندی مالیه مستقلاً تجارت ایدوب بر مقدار مال تحصیل ایلسه بکر عمروه «ترکه بینمزده مشترکه ایکن تحصیل ایتمکه اول مالد سکا مشارک اولورم» دیمکه قادر اولورمی. الجواب : اولمازلر .

*
**

نسب :

زید زوجهٔ مدخول بهاسی هندی باینّا تطلق ایتد کد نکره هند انقضاء عدته اقرار
ایتمدین عمرو هندی تزوج و وطی ایتد کد نکره هند عمروک و طئدن التی ایدن اقل
و زیدک تطلقندن ایکی سندن اقلده بر ولد طوغورسه اول ولدک نسبی عمرودن ثابت
اولیوب زیددن ثابت اولورمی. الجواب : اولور .

*
**

شقی :

زید ملک صوینی منبعندن اشاعیده بولنان مقسمده ایکی قسمه آیروب بر مقدار
معینی وقف ایتدیکی چشمه یه و باقیسنی منزله اساله ایتد کد نکره فوت اولسه سائر ورثه یه
ضرری اولیوب هر بری کندی نصیبی ایله انتفاع ممکن ایکن ورثه دن هند صودن
نصیبی مقسمدن آلتی ایستد کده سائر ورثه هندی منع قادر اولورلرمی. الجواب : اولمازار .

*
**

زیدک ذمتنده بعض حقوق ناس اولوب لکن زمان طویل مرور ایتمکه اصحاب حقوق
کیملر اولدیغنی تذکر ایده مامکه رد ممکن اولسه زید توبه و رجوع ایدوب مبلغ مأخوذی
یا مقداری قضاء دین نیتی ایله تصدق فقرا ایدیجک معذور اولورمی. الجواب : اولور .

*
**

وجود انسانده دم فاسددن متولده چیچک تعیر اولنور جدری علّی اکثریا اوان
طفولیتده ظهور ایله بعض اطفالک هلاکته و بعض اخرک عمی مثللو تقویت اعضا لینه
بتقدیر الله تعالی مؤدیه اولمغله علت مذکورده نک قبل الظهور تخفیف و تسهیلله دفع
مضرتی حقنده بالتجربه سبب ظاهر اتخاذا و لنان تلقیح جدری باذن الله تعالی مضرت مذکورده نک
دفعنه سبب اولدیغنی حذاق اطباء مسلمین خبر لریله متحقق اولسه یاقی مثللو چیچک
اشیلمق ایله اطفاله مداواة جائز اولورمی. الجواب : اولور .

*
**

حضانة :

زید صغیرک حاضنه سی اناسک اناسی هند نفسی صغیره اجنبی اولان کیسه یه تزویج

ایدوب صغیرک نسواندن حاضنه اُخراسی اولماسه صغیرک باباسی عمرو صغیری هنددن المغه
قادر اولورمی. الجواب: اولور.

*
**

زید صغیرک اناسی وحاضنه سی هند نفسی صغیره اجنبی برکیمسه یه تزویج ایدوب صغیرک
باباسنک اناسی زینبدن غیری حاضنه سی اولسه زینب صغیری هنددن الوب بحق الحضانه تربیه
وامسا که قادره اولورمی. الجواب: اولور.

*
**

دوت بش یاشنده اولان هند صغیره بی اناسی زینب بحق الحضانه تربیه اوزره ایکن
زینبدن حق حضانه ساقط اولدین هندک باباسی زید هندی زینبدن المغه قادر اولورمی.
الجواب: اولماز.

*
**

معتوه صغیر میز حکمنده اولدیغندن زید معتوهک قبول هبه وهدیه کی کندی حقنده
نفع محض اولان تصرفی وایسنک اذن واجازتی اولماسه بیله معتبر اولورمی. الجواب: اولور.

*
**

بوصورته آخره هبه کی کندی حقنده ضرر محض اولان تصرفی وایسنک اذن
واجازتیه بیله اولسه معتبر اولورمی. الجواب: اولماز.

*
**

بوصورته ذاتا نفع ایله ضرر بیننده دائر اولان عقودی وایسنک اجازتنه موقوفه
منعقده اولورمی. الجواب: اولور.

*
**

ضمائم:

زید وصیسی اولدیغنی صغیرک شو قدر اچمه سنی خلط ایله استهلاک ایتد کدنصره زید
فوت اولسه صغیر بالغ اولدقده مبلغ مرقومی زیدک ترکّه وافیسه سنی قبض ایدن ورثه سنه
تضمینه قادر اولورمی. الجواب: اولور.

*
**

مداینات :

زید عمروه قرض ویردیکی اچقه سیچون عمروك اوزرینه برسنه تمامه دك اوئی اون بریجق حسابی اوزره معامله شرعیه ایله شو قدر اچقه ربح الزام ایدوب سنه تمامنده ربح مزبورى عمرودن آلسه ربح مزبور زیده حلال اولورنمی. الجواب : اولور

*
**

اقرار مريض :

زید مرض موتنده وارثی اولان قرنداشی عمرو ایچون « اموالم بنی کوروب کوزتمك شرطیله عمرو کدر» دید کدنصكره زید فوت اولوب سائر ورثه تصدیق ایتاسه لر عمرو اقرار مزبوره بناءً اموال مرقومه نی میراثه ادخال ایتدیرمیوب مستقلاً آلمغه قادر اولورمی. الجواب : اولماز.



اجوبه شرعیه
« حكره دائر »

اوقاف هایون نظارت جلیله سنك ۱۱ ربیع الاول سنه ۱۳۳۲ تاریخلی تذکره سی متفرع ایله تدقیق اولندی .

حكر ؛ ارض موقوفه اوزره وارد اولان شول عقد اجاره دركه : بناو غراس یاخود بونلردن یالکز بریسی ایچون ارضك استبقاسی قصد اولنور .

ارض موقوفه نك قوه انباتیه سنه ضعف کلوبده انتفاعدن بالکلیه ساقط ومعطل اولدینی کی آتی زراعته صالح قلمق ایچون استیجاره یاخود مزراعه قبوله رغبت ایدن بولنمادیقی تقدیرده ارضك تحکیری یعنی اوزرینه ابنیه انشا یاخود آغاچ غراس ایتك اوزره ایجاری جائز اولور .

اول ارضده محتكر طرفندن انشا واحداث اولنان ابنیه واشجار محتكر ملكی اوله جنی کی مدت اجاره ختامندن صكره اجر مثل ایله مذکور ارضی یدنده ابقا ایتك حق محتكر ایچون ثابت و بناءً علیه بونده کی ابنیه واشجار علی وجه الدوام باقی اولور . زیرا بناو غراس مدت قلیله ده قلع و اراضی استرداد ایدیلر ك باشقه لر و یریلر جك اولسه معموریتیه رغبت ایدن بولنه میه جنی جهتله اراضی وقفیه نك خرابی لازم کیر .